



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

Axioma II. Omnis historia est verax, quae res gestas ita narrat, uti
narrantur multis libris coetaneis, vel aetati proximis qua res gestae sunt.

urn:nbn:de:hbz:466:1-16260

AXIOMA II.

Omnis historia est verax, quæ res gestas ita narrat, uti
narrantur in multis libris coætaneis, vel ætati pro-
ximis qua res gestæ sunt.

*Axiomatis
secundæ veri-
tas confirma-
tur.*
Joseph. libr. 1.
cont. Apion.

I. **H**OC Pronuntiatio, & superiore, tota nititur historiæ fides, totius antiquitatis memoria: *ἡ ἀπὸ τοῦ ἀληθοῦς ἔχει τὴν ἀξίαν ἰσχυρά, ἐν ᾗ οἱ ἄνθρωποι ἀναγινώσκουσι τὰ ἐξ ἑστέων & παλαιῶν.* Veracis enim historiæ indicium est, si de rebus iisdem omnes eadem dicant & scribant: inquit Josephus, cujus verba hæc supra jam attuli. Unde enim virum quemdam bello clarum, cui Cæsari nomen fuit, aliquando vixisse scio? ex Cæsaris nempe ipsius Commentariis, ex Hirtii, Ciceronis, Bruti, Livii, Vellei, Lucani, aliorumque scriptis, qui vel temporum illorum, quibus Cæsar vixit, æquales fuerunt vel suppares. Horum autem scripta genuina esse ex superiore Axiomate ostenditur. Non aliter enim fieri aut credi possunt, quæcunque ipsi oculorum nostrorum testimonio non cognovimus, quam ex aliorum verbis: alioqui mediterraneus Oceanum esse non crederet; nec Americam, aut Indiam esse crederent Amstelodamenses, qui patrio solo numquam excesserunt, & virgula divina sibi suppeditari putabunt pretiosissimas merces, quæ inde quotannis referuntur. Testium autem eo major est fides, quo à re gesta propius abfuerunt; adeo ut coætaneorum certior sit, quam recentiorum; præsentium, quam absentium; certissima verò sit eorum, qui rem oculis ipsi suis inspexerunt. Quoniam autem coævos, & præsentis, & oculatos testes rebus gestis diu superesse non patitur brevis vita; inde fit ut res à nostra, vel patrum, aut avorum memoria remotas, nonnisi ex aliorum relatione noscere vel credere possimus, rerum oblivionem reparante hominum studio, dum longinquitatem temporum memoria excipiente, monumentisque posteritati traditis re præsentant. Quod in rebus igitur ætate nostra actis valet oculatorum testium fides, idem in rebus ab ævo nostro distitis valet coætaneorum librorum auctoritas. Unde intelligitur quo pertineat effatum hoc, & superius, & quantum ex eorum labefactione rerum perturbationem incidere necesse sit. Tertium illud est:

AXIOMA III.

Omnis Prophetia est verax, quæ prædixit res eventum
deinde completas.

*Axiomatis
tertius veritas
confirmatur.*

I. **M**ANIFESTO id sequitur ex Prophetiæ definitione superius allata, & res est in promptu, nec eget disputatione. Propheta quidem ille vera prædicens, mendax cate-roquin esse potest, & pios homines à veri Dei cultu abducere, vel falsis ipse religionibus implicari; qualis exhibetur Balaamus in libro Numerorum, & qualis ille est Prophetæ, quem interfici iubet Moses in decimo tertio capite Deuteronomii. Nihilominus tamen Prophetia ipsa verax est. Postremum Axioma hoc esto:

AXIOMA IV.

Omnis prophetica facultas à Deo est.

- I. *Axiomatis quarti veritas confirmatur.* II. *Conferuntur Postulata & Axiomata nostra cum Postulatis & Axiomatibus Geometrarum.*
III. *Laus Geometriæ.*

*Axiomatis
quarti veri-
tas confirma-
tur.*
Ili. 41. 23. &
44. 7.
Ili. 43. 13. &
67.

I. **A**NNUNTIATE que ventura sunt in futurum, & scimus quod Dii estis vos: inquit Hæias. Idem alibi sic loquentem inducit Deum: *Quis similis mei? vocet & annuntiet: & ordinem exponat mihi, ex quo constitui populum antiquum; ventura & que futura sunt annuntient eis.* Rursus idem: *Priora ex tunc annuntiavi, & ex ore meo exierunt, & audita feci ea; repente operatus sum, & venerunt.... Prædixi tibi ex tunc, antequam venirent indicavi tibi, ne forte diceret: Idola mea fecerunt hæc, & sculpilia mea, & constat illa mandaverunt ista. Quæ audisti, vide omnia, vos autem num annuntiastis? Audita feci tibi nova ex tunc, & conservata sunt qua nescis; nunc creata sunt, & non ex tunc; & ante diem, & non audisti ea; ne forte dicas, Ecce ego cognovi ea. Neque audisti, neque*